

# Powšitkowne WOZJEWJENJA

njedźelu, 20. nowembra 2016

## Zakónčenje Lěta smilnosće w Róžeńće

Na swjedženju Chrysta Krala njedźelu, 20. nowembra, w 15.00 hodž. je w Róžeńčanskej swjatnicy swjatočny nyšpor k zakónčenju Lěta smilnosće. Wšitcy młodostni a wšitcy wěriwi ze swojimi swójbami su wutrobnje přeprošeni. Serbska dekanatna młodžina nyšpor wuhotuje a přeprošuje po tym wšitkich na zhromadnu swačinu.

## Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. decembra, w 14 hodž. do Domu biskopa Bena w Smochćicach přeprošeni. Zajimcy njech so prošu hač do wutory, 29. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež zajimcy su wutrobnje witani.

## Hudźbny zazběh do adwenta

W Budyskej cyrkwi Našeje lubeje knjenje zaklinča sobotu, 26. nowembra, w 19.00 hodž. spěwy a motety starych a nowych komponistow. Program wuhotuje Drježdžanski muski ansambl „Voxakkord“, kotryž wobsteji z něhdysich kapalníkow. Wšitcy su wutrobnje na tutu hudźbnu chłóšćenku jako zazběh do adwentneho časa přeprošeni.

## Arabska a islamska kultura w Němskej

Islamski wědomostnik dr. Mohammed Khalifa porěči pjatk, 25. nowembra, w 19.30 hodž. w Njebjelčanskej wosadnicy k temje „Arabska a islamska kultura w Němskej“. Mjez druhim póndže wo prašenje, kotre kulturne hódnoty a tradicije čekancy z arabskich krajow sobu k nam přinjesu a što měli wo arabskej kulturje wědžeć, zo by so integracija a mjezykulturna wuměna wolóžila. Wšitcy su wutrobnje přeprošeni.

## Adwentne paslenje we Worklecach

Na paslenje adwentneje pychi přeprošuje Dekanatne dušepastyrstwo młodžiny sobotu, 26. nowembra, wot 13 do 17 hodž. młodostnych, maćerje a dalšich zajimcow do Don Boskowneho domu we Worklecach. Kóždy ma swój předžělany material zapłaćić.

## Maćična akademija

Stawiznar Friedrich Pollack, wědomostny sobudželaćer Serbskeho instituta w Budyšinje, přednošuje štwórtk, 1. decembra, w 19.30 hodž. w Budyskim hosćencu „Wjelbik“, Žitna 7, na temu „Serbscy studenća we 18. lětstotku. Přinošk k (něhdže) 300. jubilej Serbskeho předarskeho towarstwa w Lipsku“. Přednošk budže w němskej rěči, zastup je darmotny. Stawizniska sekcija Maćicy Serbskeje wšitkich zajimcow wutrobnje přeprošuje.

## **Poskitk džěloweho městna**

Dom swjateho Jana w Smječkecach pyta za nócnu službu pak chorobnu sotru (Gesundheits- und Krankenpfleger) pak hladarja starych z přidatnym wukubłanjom za hladanje zbrašenych (HPZ) pak hladarja-kubłarja zbrašenych (Heilerziehungspfleger) abo z podobnym powołanjom a zwólniwosću, tule kwalifikaciju nachwatać. Džělowy čas je wot wječora 20 hodź. hač do ranja 6 hodź., a to dvě do tři nocy wob tydzeń. Městno ma so wot 1. januara wobsadzić. Swoje pisomne požadanje měli zajimcy hač do 30. nowembra na adresu Dom swjateho Jana, Janska kupjel 1, 01920 Worklecy, pósłać.

## **Putniskej jězbje klětu do Roma a do Lourdesa**

Tež klětu přeprašuju zaso zajimcow na putnisku jězbu z lětađłom do Roma, a to wot njedzele do štwórtka, 7. do 11.meje. Dalša putniska jězba z busom powjedže wot srjedy, 13.septembra, do štwórtka, 21.septembra, do Lourdesa. Stacije su Gardaski jězor, Diano Marina při italskej rivierje, Monaco a Arles w Provence. Dompuć powjedže přez městce Nevers a Beaune w Burgundže. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2.

*Maćij Hadank*